

## **Gotiyare Yagaalya' Nebulyasira.**

God's Word is True.

Yipma/Baruya Memory Verse book

1. **Romi 5:12** – Sarevi nemi yawi'manigo. A'mwe pwai kayaa'nanyabwi yaaka sasare saburina Kwaakevakiyainaavire simunyavi kayaa'nanyabwi yima'nakesi. Nabaai kayaa'nanyabwi balyaburi makabakesi. Sabaai' a'mwe yuyara kayaa'nanya yadivisavi balyabwi a'mwe yuyaraavi maa'desi.
  
2. **Matiyui 11:28** – A'mweihy yagiyagi yadivi' taanga naanga maa'manigasaihi yuyaihi niminyawi divila! Nimi sariminyine kuryaraavi kwazaake'neihiri yihimwaahideinyira.
  
3. **Apozeliyara 4:12** – Kayaa'nanyanna Jizaazai gavei nevadaihasamaa'delyi. Kwaaka yuyavaki aane pwai kwari Gotiyai madahiyaka nemire kayaa'nanya wasi'nya'neri Jizaazari wimwaaiha'. Aane pwaina kwaina mi'. Sahwai gavelyira.
  
4. **Apozeliyara 3:19** – Sarevidaa'nyi dahaa' sarimire simunyabwi mudikebwi jawiramaarila! Dihinyiwannyila! Gotiyari kudapiji Gotiyai sarimire kayaa'nanya marasi'nade'nanyi.
  
5. **Apozeliyara 5:29** – Mi'na kuda' Pitalyi Widaasade pwaraji wide' "Gotiyai sara kanedozi sara yaanneinera. Gotiyarina a'mwera sara kanedapiji sara myaanneinera!
  
6. **Matiyui 10:33** – Kiri' gazaizai a'mweraayaba wijiwaakajai "Jizaazareinyi mika!" yi saharina Sigunyavi Nimaamaangeri wijiwaakideinyi "Sahwarina myawiriweinyi."
  
7. **2 Koridi 6:14** – Mu'nyadivisara sahwara yi pwarabisare. Sarimi kumirebwina mye'mwannayamaripina! Yadivi' kunnya sahwaraavire saburi gaimwanga mipina! Sare' darevinyi. Yida'maraanga sabulyi kiwinyavi galazekivala sabulyi sawaai gatha'dara ye'mwannayikadewaalaka!
  
8. **2 Koridi 6:17-18** – Sarevi Naangei ayahi pirisi jaa' "Pwaraavi tinnyaba nayaa jahalya'mayila!  
Sahwaraavi menyawi sarimi dimwaalyila!  
Girikita'nanya aane piri' kiri' malimwabina!  
Nimi sainyi sariminyi yihimaarideinyira."  
" 'Nimi sariminyi Sirinimaangeinyi mwaalideinyi.  
Sarimi nyigwaalaangeihilyi nyiraavaangihilyi dimwaalyideihilyi.'  
Naangei diraginya yuya kininnakei sasara dadelyi."

9. **Joni 6:37b** Niminyawi sara boziyari mwasimaginna marasi'nidei mika. Arikewi.
10. **Luki 19:10** Sare' dare'nesi. A'mweraavine Kaimiraayai a'mwera yagalya'ma'nikeraav ayina biramaarya'nei nabaai padaihasamaarya'nei biwakelyira.”
11. **Joni 1:29b** Yithaanyi, dazai Gotiyarei Sipizipiya Diwinyala! Kayaa'nanyanna a'mwera sipizipiyari tamina yadivi' kwaraanyaba Gotiyarina dika nasi'na yadevaabi' sai kwaakevaki mwaalyainaavire kayaa'nanyanna marasisa'na baladelyi.
12. **2 Koridi 5:21** – Sare' darevinyi. Kiraazitiyai kayaa'nanyabwi maayai kiri' Gotiyai yuya kayaa'nanya nemire sa mari'bwaraka yune sarina munyaba yilakaka yi sahwaru kayaa'a'mwe nebulya'nanyari wimwaaihakelyi. Neminyina Gotiyai “Kiraazitiyari wilmwaalya'nera nimire yida'maraangebwi kininnakera yima'nipika!” daka neminyineba sara wimwaaihakelyi.
13. **Joni 3:16** – Sare' dare'nesi. Kwaaka davakiyainaavina Gotiyari kale naanga kwia'. Gotiyai neminyina Gawaalivaangei gaveri nejaavakelyi. “Gazaizai sahwaru wilmwagaroji myiwawanna! Aawa. Gaala yuyagaa'nebwi maarana!” daka nejaavakelyi.
14. **1 Pitai 1:18b-19a** – Sareihi yaasiwa'na mwaaidivi' Gotiyai yihimubaka kayaa'nanyaburi wila yihyaarakeihilyi. Sarimi mena yawi'maniga' “Kayaaka yinade nigwia piniji goliya kiniji manemubyakengi. Aawa. Kiraazitiyare tawesi nemubamaarakesi. Tawe daza' mubya naangesi.”
15. **1 Joni 1:7b** – Nabaai tewaanna mwalaaja'na Gotiyare Gawaalivaangei Jizaazare tawevi nemire kayaa'nanya yuyabwi namarasi'nada tawe sahiri' girika neduimwagasi'nade'nanyi.
16. **Epazaazi 1:7** – Kiraazitiyai sai balaka gannya tawevina wila nevwiyinikeinaavi nemubake', nemire yiwetawakyanna marasi'nikesi. Sare'na Gotiyare yanga gaimwangebwine aaya kavilyanna sara neyakengi.
17. **Joni 3:3** – Jizaazai ja'nawidina “Naanga nebulya'na githivanige. “A'mwe pwai kwai ayahi mudikei mima'nyi yajai Gotiyai maremwaaaladeva tinna mwanganyi yannelyi.”
18. **Joni 1:12b** – A'mwera pwara “Nebulyasira. Naangelyira,” deva maarina ye'. Maarina kye' sai yuya saraavi gannya diraginyabwi wijaavina ya'. Gannya diraginya sabwi sahwaru Gotiyare kaimiraayara yima'nya'nebulyi. Gami sahwarinaji gamire yayavinaji limwaga'divisaraavinebulyi. Yi sahwaru mudikera yima'nyina ye'.

- 19. Romi 6:11** – Sarebaabi' sarimi kwaihi sariminyine'na nayaa dara jawirila!  
“Kayaa'nanyabure diraginyavina nemi bainikeinera. Diraginya savi kwaakewi mula'naraanneine. Aawa. Kiraazitiyai Jizaazari wila mwaidaa Gotiyarine yaya' munyaba makilya'neina gaala mwalaadeine.”
- 20. 2 Koridi 5:17** – Sarevi yi nabaai a'mwe kwai Kiraazitiyari wilamwaalajai yi Gotiyai a'mwe sahvari yuna mudika tewaanyari mena wimwaaihatelyi. Gaminyina sinnawinya ayabwi yuya yiwiya yadengi. Yithaa! Gaminyina yuya mudikebwi mena yima'naabadengi.
- 21. Romi 8:4b** – Sareina a'mweraavire kilaakejikiya yawita savi kaanya myamaryadaanyi. Aawa. Nemi Kurya Tewaanya sari kaanya yamaryadaanyainaavinesi.
- 22. Kolozi 3:1a** – Sarevidaa'nyi Gotiyai Kiraazitiyariji mena kyihye'mwannayidikaava' sarimi gaala mwaihasavi munya ke'banyanna divirila!
- 23. Galeziya 5:24** – Kiraazitiyai Jizaazareina dara yawi'manigo. A'mweinaavire simunya diraginya myannebwi Kiraazitiyare yisaviri mi'na yeramwo. Sare'na kayaa'nanyabwi manemaremwaalyikeinera. Yi simunya kayaa'na dika widadeji wima'nadeji yisaviri mena yeramwo. Yuya dazabwi divanigo “Aala!” Sarebwi Kiraazitiyai balake'nanyi.
- 24. Aazaayai 43:1b** – Lika myinna! Sare' dare'nesi. Nimi giminyi ayahi gimubamaa'mwana! Gimire yaya' wo'nike' dakiwa. Gimi nimireiginyi.
- 25. 1 Joni 5:4-5** – Sarevidaa'nyi gazamilisamili' Gotiyare kaimiraayamili' yima'najamili' Kwaakevakiya saburi dathiwamanikemilikira. Kwaakevakiya saburi dathiwangebwi da'darebwina. Gawaalivaangeri limwadaanya'nanyi. Kwaakevakiya saburi dathiwamanikei aaihwilaka? Dazai dare' limwadelyi “Jizaazai Gotiyare Gawaalivaangelyi.” Sarei gavelyi.
- 26. 2 Koridi 12:9a** – Kiri' nabaai sahwai dara nyida' “Nimire yanga gaimwanga naangebwi giminyi yiniga wi'nannebuliyi. Darevinyi. Nimire diraginya' a'mwe diraginya maayaraavi wawinya yuna nebwina wiadesi.”
- 27. Padaihasamaata 14:13-14** – “Lika myipina! Diraginna dithaayila! Dahaa'daasi Naangei yihivadaihasamaarade' danganyideihilyira. Dahaa' Yizipiyaraavi wangamanigasaraavi dividaa'nyi ayina danganyidera mi'. Naangei sariminyina yihihaidaaya'nei tamadelyi. Sarimi myipinera! Kave dithaayila!”
- 28. Matiyui 28:20** – Nabaai sara yapiji yagaala yihizaave gazazanna midinya'neraavi duziwakamaryideihilyira. Yithaa! Yuyagaa' yune aaya'ne dazagaa'na sarimiji ye'mwannamwalaadeinyira.

**29. 1 Pitai 5:7** – Sahwai sariminyina yawi'da nayaa yihimaremwaaide'na yuya yawita kwalaalya gamire asiri dakyila!

**30. Yiledaata 23:4** – Taawala kayaa'nanyawi jihinyawi kaanya yamarya yadi kiri' kayaa'nanya aane pi'wii kibwi lika myadinyainyi. Sare' dare'nesi. Gimi nimiji mwaaihina. Gimire yisawasi gimire yadisarisi limwagedaa'dinyainyi. Nimi kayaaka yima'hideinyi mi'.

**31. Joni 8:12b** – Jizaazai ayina widina “Kwaakevaki mwaalyaraavire Baakeinyi. Pwai nyimidinaabozi jihinyavi kaanya myamaryi yadelyi. Arikewi. Aawa. Sahwai Gaalya'ne Baakei kininnakei mwaaladelyi.”

**32. Joni 15:5** – Nimi sahwayini giraipiwila kaavilyainyi. Sahwaihi giraipiwila taanyabaraavihilyi. Pwai kuna wilanyimwaalajai gaminyi kuna wilamwaaimujai yisila naanga yi'nadengi. Sariminyi mwilamwaalyi yihyiwijaihi aane pi'ri' kiri' nayaa myi jide'nanyira.

**33. Kolozi 3:2** – Yuyagaa'munya ke'banyanna kuna jawiryila! Kwaaka davakiya gavngina simunya kuna myawipina!

**34. Romi 13:9b** – Gimi saiginyina tewaanya gima'nadevaabi' yi a'mwe pwaraavina tewaanya nayaa gima'nana!

**35. Kolozi 3:13** – Kumire yagaala nayaa wi'nadivi' kave jila! Sariminyidaa'nya pwai kwai gannya gya'mweri kayaa'nanya yaja pi'ri'na yagaala kininnakei yiwetawakya daza' wimarasinana! Yuyaihi sara jila! Naangei Kiraazitiyai sarimire yiwetawakya mena yihimarasinakabaaibi' sarimi kwaihi nayaa sara jila!

**36. Matiyui 21:22** – Nabaai sarimi diraginna limwaga'divi' yuya sare ya'ne wijangi Gotiyari kyidaanganapiji yi sa yadengi.

**37. Romi 13:2** – Sarevi yi a'mwe ga'maanitarye yagaalyavi galazekivalajai, sai Gotiyare kiburiji galazekivaimwa'. Yi a'mwera dazavi galazekivaibizara kumire yipija saburi tivikita kayaa'nanya maapi'dere.

**38. Jemizai 5:14-15** – Nabaai sariminyidaa'nyi sirya'mwe pwai nabalinakei dahamwaalika? Sare sai Naangere kusilanyaviyaraavire naangeraavi jaka widathelyi. Naangerine yayavi gamire kilaakejiki welivananya' purapiji gaminyaba sahwari tewaanya yavada'galade'na Gotiyari widipika! Nabaai sahwarina Gotiyari diraginna limwadivi'

yidaangabiza' Naangei nabalineri tewaanna wiada ayina yidikaavadelyi. Nabaai sai kayaa'nanya pini yajanna Naangei kayaa'nanya yuya daza duimwagasi'nadelyi.

**39. Wijalansasakya' 3:11** – Yi giminyawi yime'nya'bi' walaabideinyi. Yi aane pwai kwai kingimwaaihi'nya' gimire tivikisa' nagimarasi'nadi'! Gimi dazabwi limwaga'maniginya sa kuna nayaa diragina dilimwaga'!

**40. Matiyui 24:35** – Sigunyasi Kwaakesi yiwawadewaalyi. Kiri' nimore yagaalya yawawode mi. Arikawi.

**41. Jeremaayai 10:6** – Naangeigi gimibisai pwai mamwaalyi'. Gimi diraginya naangejiyaiginyi. Gimi yaginya pinibita sa gimire diraginyavi neyibwaridaakwivani'. Yaya naangesiyaiginyira.

**42. Luki 1:37** – Gotiyai myi yade pini aawa; mwaryika! Sare'na gamire yagaala gazasa' sara yima'nadesi.

**43. Yiledaata 139:3** – Gimi niminyi nyangadinyaiginyi. Wawinya yadinyagaa' se wa'dinyagaa' nyangadinyaiginyi. Nimore yuya saburi nyangadinyaiginyi.

**44. Romi 3:23** – Sare' dare'nesi. Yuya a'mwera Juyaraji ajimya yuyangiyaraji wagilya'nebwi yadivisare. Gotiyai byaanna diraginyasiyaryaba menyaba mwaihasare.

**45. 1 Koridi 6:9a** – Sarimi dathavina myawiryijiwaa' “A'mwe kayaa'nanybwi yadivisara Gotiyare maremwaaide' sa' maapi'dera mi'.” Akai, sarimi yune sarinnya simunyangina kwaasi nadakinipidika!

**46. Sidu'nakebwine 28:13** – Pwai gamire yiwetawakya lika yulyakadei tewaanya mamwaalyi yadelyi. Aawa. Pwai yuya sa jalikurakada yagalya'ma'derina Gotiyai kale wiadelyi.

**47. Romi 5:8** – Sare' kiri' Gotiyai gamire tewaanya wivu'nyabwi neminyinebwina dara neyibwaridaakwivanikesi. Sahwara kayaa'nanyanna yadivisara kuna mwaidapi yi Kiraazitiyai kuminyineba balakelyi.

**48. Aazaayai 53:5** – Kiri' nemire yiwetawakya siro'mwawakesalyi. Nemire giriki'nanyanna bweka tamayingirakesalyi. Nerivikiranne saba kamaara' kwaamu' mwaiho. Gamire milikiryakenna maamidarya mwaiho.

**49. Joni 3:36** – Gawaalivaangeri nayaa limwaga'dei gaala yuyagaa' yuyagaa'nebwi kininnakelyi. Kwai Gawaalivaangeri malimwagaryadei gaalyabwi tinna mwanganyi. Aawa. Gotiyari sinna tika widayabwi sahwaru kuna wiiwarikelyi.

**50. Romi 5:1** – Kiraazitiyari mena limwagovi Gotiyai neminyina “Yida'maraangeihiri nimireihiri yihimwaaihiwa,” nedakevidaa'nyi Gotiyare kwaamu'nanyavi avaaizimunya Gotiyalyi ye'mwannamwaaiho. Yi nemire Naangei Jizaazai Kiraazitiyari nayaa yakevi avaaizimunya Gotiyariji neye'mwamani'.

**51. Romi 8:16** – Kuryai gami sahwaru nemire kuryaraji nemi Kiraazitiyari limwadaanyainaavina dara jalikurakivani' “Gotiyare kaimiraayaihilyi.”

**52. 2 Koridi 3:17** – Yi Naangei sai Kuryalyira. Nabaai Naangere Kuryai a'mwe pwari mwaali'. Yi aawa, yuya pini yagaala wijimwagaraka ayavi a'mwe sahwaru wila yirakivanikai mi'. Aawa. Sai sahibanna tewaanna mwaali'.

**53. Matiyui 5:44** – Sara dinika kiri' nemi githivanige. Gimire yikamaangerina kale gyana! Kayaa'na gyadivisaraavina wigaimwange'na Gotiyari dara duthana! ‘Sahwaraavi tewaanya dimwaaihya! Tewaanna diwial’

**54. Matiyui 6:14-15** – Dinyu'nana! Pwara yiwetawakya gyiwaasanna marasi'nija'na Gimaamaanga Sigunyaviyai gimirena gimarasi'nadelyi. Sahwaraavirena mamarasi'nyi yija'na. Gimaamaanga kwalyi gimire yiwetawakyanu marasi'nyina gyathei mi'.

**55. 1 Koridi 6:20** – Aawa. Sare' darevinyi. Gotiyai nigwia naangesi sariminyi ayahi yihimubamaarakelyi. Sare'na sarinnya kilaakejikaavi Gotiyarine yaya' munyaba nayaa dimakilyila!

**56. Pilipai 2:13** – Sare'darevidaa'nyi. Gotiyai sariminyi kusawi yihyadelyi. Yi sarimire simunyaburi gami sai yihydikaa'bwa'delyi. Nabaai gami sare simunya nawi'nya kininnakebwina wivu'nadevaabisanna ya'neihiri yihimwaaihatelyi.

**57. Joni 13:34-35** – Yagaaikiwinya mudike' yihizaavanige. Sirya'mweraavina tewaanya yihivu'nana! Niminyi sariminyina tewaanya nyivu'nadevaabi' sariminyi sirya'mweraavina tewaanya yihivu'nana! Sarimi sara yinapiji saburidaasi a'mwe yuyara sariminyina yawi'na ‘Sahwara Jizaazarerera.’ Yi sariminyi wivu'nyabwi waraja' sara yawi'na yihyipi'deihilyira.”

**58. 1 Koridi 10:13** – Yaamiji yijiwaalyabwi yihyima'naabadevwi yi sa' mudika piri'bita' mi'. Aawa. Sa' avaananya' a'mwe yuyaraavi yima'nadevaabisasi yijiwaalya'. Yi yijiwaala savina Gotiyai gannya nebulya'nanya diraginyavi mididelyi. Sahwaru limwaga'delyi. Sahwaru

sarimire diraginyavi nayihwawilavadi'de'na yijiwaala pirivi wanganakadei mi'. Aawa. Yijiwaalyabwi sariminyi kayihyima'naabozi yi sarimi savina dithathivalyide'na gaimwanga yihya'ne tusa' Gotiyai biryakadelyi. Tuta daza' yi sa' dare'na. Sahwai diraginya pada'galayivaimwanga yihyadelyi. Yi sarimi yijiwaalyaburi diraginya yiniga wi'na dithaayideihilyi.

**59. Romi 8:37** – Sasare sabura Kiraazitiyare kale savi neminyiji gewi gewi nejaapaladevura mi'. Aawa. Dzasare yuyaburaavi nemi diraginaangeina yima'naanneine. Kiraazitiyari neminyina wivu'nakeri diraginaangeina yima'nivanigo.

**60. Sidu'nakebwine 18:10** – Naangei maikurita diraginya'bisalyi. A'mwe yida'maraangera kaanyive'na wopiji yuraa'nipi'delyi.

**61. Yiledaata 139:16** – Niwaa' mudanga manyagaa' gimi nyangadinyi. Kwaakevi nimi myima'nyadeziyagaa' gimire bukwi'yavi gimi pikarya mena yidavagi. Yuya yirikerikaavi mwaalya'neinyi dahilakina nyagi.

**62. Yiledaata 50:15** – Sarimi sara kyapiji taanginya kayihyima'noji jaka dinyijideihilyi. Sarevi sarimi niminne yaya' munya ke'beva dimakilyideihilyi.

**63. Aazaayai 40:29** – Maa'na widaa'nyiyaraavi diraginya' wijaavadinyaiginyi. Diraginya maayaraavine diraginya naangebwi yima'nadelyi.

**64. Romi 8:28a** – Nabaai nemi yawi'manigo. Taanga gazaza Gotiyarina wivu'naderaavi yima'nyangi Gotiyai nawi'nya ya'ne yadelyi.

**65. Romi 8:18** – Sare' dare'nesi. Nimi yawi'manige. Divi sagaa'ne Gotiyai byaanna diraginyavi ku'maayaba wakaabozi nejaavade' naangaangesi. Dahaasa'ne taanga savi maa'manigo daza' wana maalikesi.

**66. 1 Joni 5:14-15** – Gotiyaryaba diragina da'daa widadaanya da'daresi. Gotiyai simunya yawi'devina yidanganawaajiya piri' kiri' kadika newi'nada sara yaderinera. “Yidanganaannengi kadika newi'nadelyi,” yawi'manigovi kirivinaji yawi'manigo. Sahwari yidangadaanya mena maa'mwona. Diragina yawi'manigo. Sahwari yidangadaanya mena maa'mwona. Diragina yawi'mwona. Sare' nebwin nejaavadelyi.

**67. Yiviru 4:3** – Sare' darevinyi. Nemi diragina limwaga'manigoina kave kwaamu' mwaalya'ne dazaba wilaadeine. Yi sinnawi Gotiyai malimwagyadivisaraavina dara dinikesi.

Sare'na niminyi similika nyuidaanyiyavi

Yagaala diraginya' dara jalikurakya

“Kwaaka kave kwaamu'kujaaviwidikeba  
Sahwara kusawi bwibi'dera mika!”

“Sa'wana naanga nebulya'nanyasi.”

Sahwai sara daka kiri' nabaai sinnawi Gotiyai Kwaake' mena wakyaakegaa' kwaamusabwine' mena dakinikesi. Sagaa' kwaamusavi mwaaida neminyina yemwaaidelyi.

**68. Pilipai 3:20** – Nimi simunya saburi je'mwannanyimidinyide' darevidaa'nyinyi. Nemi Sigunyavi mwaalya'neinera. Nabaai sahibadaa'nyi yune nevadaihasamaaraderina yilaaya'na yemwaaimanigoinera. Sahwai Naangei Jizaazai Kiraazitiyalyi.

**69. Wijalangasakya' 22:12** – Yithaa! Nimi yime'nya'bi' walaabideinyira. Nimi tivikisabwi limwaga'muji walaabideinyi. A'mwe gazarizari gamire yade yune saburine'na wirivikideinyira.

**70. Wijalangasakya' 20:15** – Nabaai Naanga maryawibwa'dei a'mwe pwarine kwarine yayavi bukwiya gaala mwaalya'ne siri mabiranganyoji sarevi, yithaa, a'mwe sari marasi'na yiwa' di'bunya naanga dika nivanikevi.

**71. Matiyui 16:26** – Sare' dare'nesi. A'mwe pwai Kwaakevakiya gilyivita yuya maarajai kiri' gamire gaalyabwi yiwina yadevulyi. Sarevidaa'nyi gilyivita sa gatha'dara wigaimwagathelaka! Sahwai gamire gaalyabi ayina mubamaarya'nei be nigwia wijaavadelaka!

**72. 1 Tezalonaika 4:16-17** – Sare'na Naanga sahwai Sigunyavidaa'nyi waidaavada jaka naanga danganadelyi “Jikabyila!” Sagaa' ejeliya naangei jaka kudozi Gotiyare gware' makuradesira. Naangei jaka naanga kadanganoji sinnawi Kiraazitiyarera baryara dikaapi'dere. Nabaai, nemi kwaihwainakeina mwalaadeinaji sahwaraaji sainaavi yarai nemakylaawadeinera. Sigunyavi nemi Naangeri wijiimaata'na yiraayangi nemakylaawadeinera. Sara kyoji yuyagaa' Naangeryaba mwalaade'nanyi.

**73. Wijalangasakya' 21:7** – Nabaai a'mwei mala bwa'nyaburi yunebanna wawilavajai yi nimore yanga naanga daza' maaradelyi. Ganimaangei gannya kaimiraayaraavina wijaavadevaabi' dathavwi maaradelyi. Nimi gaminyi Gotiyainyi mwaalidelyi. Nabaai sai niminyi nyibwaalivaangei wimwaaihiwijai mwaaladelyi.

**74. Wijalangasakya' 21:4** – Kumire kidalaibirika tinnyaraavi wiwarike gazasa' yaalika yimwagathere. Balyabwi ayahi waradevwi mi'. Yi a'mwera ayahi baibi'dera mi'. Simunya' taanga ayahi winadera mi'. Jakinna ayahi dipi'dera mi'. Daangeji maapi'dera mi'. Sinnawinya sa mena yuya yiwina yiwake'nanyi.”

**75. Joni 10; 28-29** – Yuyagaa' yuyagaa'ne gaalyabwi wijaavadi yuyagaa' yuyagaa' myiwiyi yipi'dere. Arikawi. Nimireraavi a'mwe pwai kwai nimire asiri myipalasi'nyi nyapiji kayaa'na myi yipi'dere. Nimaamaangei sahwaravwi nyijaavakei diraginaangelyi. Yuyara pwara diragimaayare. Nimaamaangei maremwaaimanikeraavi aane pwai kwai Nimware asiri myipalasi'nyi yannere.

**76. Pilipai 4:7** – Sareihiri Gotiyai kwaamu'nanyabwi nejaavadevwi nayaa yihimaremwaaladeihilyi. Yi Kiraazitiyai Jizaazari wilamwaaahasavi dazabwi sarimire simunyangiji sarimire yawisangiji nayaa yihimaremwaaladevulyi. Kwaamu'nanya dazabwi nemi yune'na yawiramaraanneburaavi wavila'nikebulyi.

**77. 2 Koridi 6:10** – Neminyi kale neyivani'. Kiri' yuyagaa' nemi yilaaya yadaanyaine. A'mwe gilyivita maayainabi' mwaidaanyaine. Kiri' nawi'nya kininnakeina nebulya'nanya a'mwe kwalaalyaraavi wjavadaanyaine. Nimi gilyivita aane pimili' kimili' kininnakeina mi'. Kiri' yuya nawi'nya gazaza limwagakoine. Yi yuya sanna yadaa dara wibwaridaakwivanigo. Sahwaina Gotiyare widayadaanya nebulya'nanyaine.

**78. 1 Joni 3:18** – Nimire kaimiraaya maalikeihi, kale wia'ne'na neya'mweraavi yune yagaalyanna nudaathika! Yune maangi'na nudaathika! Aawa. Neminyi kale neyadaawoji sahwaravwi tewaanna yadaa wigaimwagaana! Nebwina wigaimwagaana! Wimudaasivanike duzaayila!

**79. 2 Koridi 5:20** – Sarevidaa'nyi yi nemi Kiraazitiyare maangi' ma'daa sahwarineba a'mweraavi wijiwakawadaanyaine. Yi dare'. Gotiyai gami sai a'mwe yuyaraavi nemire maangisi wijiwaramaa'mani'. Kiraazitiyai gami sarine'na sahwaravwi dara yidangadaanyi. Akai, sarimi Gotiyarina yikamaanga sabwi yagalya'mavapiji Gotiyalyi avaaizimunya'na yima'napiji je'mwannamwaalyila!

**80. Maaki 16:15** – Maanga mi'na widaka widina “Yuyabanna Kwaaka yuyavaki wawopiji yagaala tewaanya' Gotiyai wakyaa yuyaraavi duziwaakyideihilyira.

**81. Epazaazi 2:8-9** – Sare' dare'nesi. Gotiyai sariminyi yange'na tewaanna yihigaimwadevina Kiraazitiyari limwadivisa'na yihivadaihasamaarakeihilyi. Sarimi wawinya yina yadivisa'na yihivadaihasamaarakeihi mi'. Aawa. Sahware sihumalesira. Sare' Gotiyai yawi'na “A'mwe pwai kwai dara nadathika! ‘Wawinya diragina kye Gotiyai nyivadaihasamaarakeinyi. Tewaanyainyi.’” Yawi'na yaka sahwai yange'na nevadaihasamaarakesi.

**82. Galeziya 3:14b** – “Sahwara, Kiraazitiyari kalimwagapiji Kuryai Tewaanyarine yune naanga nebulya'na wide sari maapika!” kada' Dikevi marasi'nya'nei yima'naka ayina nemubakelyi.

**83. Romi 3:28** – Sare' dare'nesi. Nemi diraginna dara dadaanyi “Gotiyai a'mwei Kiraazitiyari limwagazari divanikelyi ‘A'mwe sai yida'maraangelyi. Nimorelyi.” A'mwe Kiwinyaburina yaamiji yune midinajarina Gotiyai sara majadelyi.

**84. Galeziya 3:26** – Sare' dare'nesi. Yuyaihi Kiraazitiyai Jizaazari limwamwaasavina Gotiyare gawaalivaangeihi mwaaihasaihiyi.

**85. Romi 8:17** – Nabaai Gotiyare kaimiraayaina mwalaaja' Nimwai sare yuya tewaanya maraadeinera. Piri' daresi. Gotiyare yuya tewaanya maraadeinera. Piri' daresi. “Kiraazitiyalyi byaanna diraginya' maraana!” dawaaji Kiraazitiyalyi taanginya ye'mwannamaraaja' Kiraazitiyai yuya tewaanya maarade ye'mwannamaraadeinera.

**86. Pilipai 1:29** – Sare'dare'nanyi. Sariminyi Kiraazitiyare wawinya ya'ne'na Gotiyai tewaanyabwi yihizaavanikelyi. Kiraazitiyari diraginna limwagya'ne gavebwina yihizaavada mi'. Aawa. Gaminyi daanga maarya'ne kibulyi yihizaavanikelyi. Sarevidaa'nyi yagaala tewaanya' kuna dilimwagaryila!

**87. Jemizai 2:17** – Sarevidaa'nyi diraginna limwanga kibwi nawi'nyaburi myima'naabyi yajavwi kiri' gave' waraja' yi sa' bainikesi. Yi dazabwi gevulyira.

**88. Galeziya 5:6b** – Nemi Kiraazitiyari limwadaanyabwi pwaraavina tewaanya nevu'nadevina wawinya yadevwi naangaangesi.

**89. Galeziya 6:2** – Da'na yihithivanige. Gazaizari taanga widaa'nyi wigaimwange'na taanga sa dimakama! Duhaimwana! Sara ya'gizi Kiraazitiyare kiwinya' mi'na jithesi.

**90. 2 Koridi 9:6** – Yi pwaraavina yanga wijaayabwi daresi. A'mwei tika munne maali'na buridei, nabaai sai yune tika munne maalikenna maaradelyi. Yi a'mwe tewaanya naanga yange'na buridei, nabaai sai kwalaalya naanga yange'na maaradelyi.

**91. 2 Koridi 9:7** – Sabaai' sariminyidaa'nya gazaizai gannya simunyavi mena yawirakoji yi yune sahiburina midinoji sara wijaavana! Yi sai yanga wijaaya'na simunya' taanga nuyadika! Sahwai dara yawi'da “A'mwera diraginna nyivanigasa'na yi sasare sahiburi wijaavanigeinyi,” nujaavadika! Sare' darevinyi. Nigwiyanage'na a'mwei yilaaya yaderina yi Gotiyare tewaanya wivu'nivanike'nanyi.

**92. Jemizai 1:5-7** – Nabaai sariminyidaa'nyi a'mwe pwai kwari simunya nawi'nyabwina wimudaasaja' sai simunya wijaavade'na Gotiyari yidaanganana! Sara yidaanganaja' Gotiyai sahwari wijaavadelyi. Gotiyai sai yuyaraavi yanga kwalaalya nayaa wijaavadei, nabaai sai a'mwe wimudaasaderaavina mayagaala dadei mi'. Kiri' a'mwe dazai Gotiyari nayaa diraginna limwada yidaangana! Dara nyawiralimwagathika! “Nemi yidaangamwe daza' Gotiyai nyijaavadeinyi dingaka? Aawa!” Sare' dare'nanyi. A'mwei simunya pirawaai kininnakei, saalaalyavi yihusa' pwaladikaa'da aalimavajinaake' akinamwina yadevaaibi' gamire simunya' sasarelyi. Sahwai taabiriwaizimunyasiyai. Sare' darevinyi. A'mwe sasarei kwaasi dara myawiranna! “Naangei nawi'nya pini nyijaavadeinyira.”

**93. 2 Koridi 9:8** – Yi Gotiyai sahwai sariminyine'na yiniga wi'na yannelyi. Yi sariminyina yanga gaimwanga yuya wijaavada yi sarimi nebulya' yunebanna yihyadeihilyi. Sahwai “Yuyagaa' yuyangi gilyivita yuyanna kininnakeihi myihigainyadeihi yiniga nebulya' wi'nanyaihi yuna mwaalina jila! Yi wawinya tewaanya yuya sa ya'nehi dimwaalyila!” dada yunebanna yihyadeihilyi.

**94. Pilipai 4:6** – Aane pimili' kimili' yawita kwalaalya myawipinera! Aawa. Yuya sanna Gotiyari nayaa duzila! Yi yuyangina yihigainivanikenna Gotiyari jithaanganyila! Sara yadivi' sahwai yihu'nade'na “Su! Su!” duzila!

**95. Matiyui 6:33** – Sazanna simunya kwalaalya myawi'dinna! Sinnawi Gotiyai yuyaraavi maremwaaalade gave' jawika! Gotiyare yida'maraanga sabwina jawika! Sara yijaigi dividaa'nyi yuya sa pini kiniji gizaavadelyi. Nayaa gyavada'alamaremwaaaladelyi.

**96. 1 Timoti 6:9** – Pwara gilyivita kwalaalya maarya'na yawi'divisare. Sahwara yikuriyaawia wapetirinya' mwaigi'namaa'da naanyavi livapadevaaibi' gilyivisa maarya'nebwi mwaigi'namaa'da kayaa'nanya kwalaalya navi'navika galawiada kayaa'nanyabwi munyikidaa'nyi yidikaavaderera. Aalya' mihaasadevaaibi' sasarebwi sahwaraavi kayaaka kyigaloji yuna yiwipi'derera.

**97. Matiyui 6:20** – Gilyivita tewaanyanna tewaanyanna dimaryovirawakya Sigunyavi. Sahiba maa'nyaannaraji napolikeji gilyivisangi kayaaka myigalyadengi. Naaai kukera madaburaliviryadivi' kuka myadivisangi. (Tewaanya yuyanna githiwe sara ya'gizi gamire gilyivita Sigunyaviya kininnakeigi dimwaaideiginyi.)

**98. 1 Joni 2:15,16** – Kwaakevakiya sabwina myihivu'nannera! Nabaai Kwaakevakiya sanna myihivu'nannera! A'mwe pwai kwai Kwaakevakiya sabwina wivu'najai gannya simunyavi Nimwarina nayaa wivu'nya'ne' mwilarikelyi. Kwaakevakiya yuyanna, kilaakevine dika widadevulyi a'mwera tinna wangadivisanna “Maa'mujainyi,” yawi'divisasi kunnya yaya

munyaba makinadivitaro “Gilyivisanna nimeinyira,” yawi'divisasi yuya sazanna Gotiyaryabadaanya mi'. Aawa. Kwaakevakiya saburidaanyangira.

**99. Galeziya 6:14** – Sabaaibi' ninnya yaya' makina myiwineinyi. Arikawi. Nemire Naanga Jizaazai Kiraazitiyai yisavi balakere yaya' makimanigesi. Yi balake'na Kwaakevakiyabura kadathiwaga' sabura manyimaremwaalike'nanyi. Kiraazitiyai baidaa'nyi nimire simunya aya' balakesi “Kwaakevakiyaburaavina mamwaalyi yideinyi,” yawikeinyi Naangei yisavi sara balake'na.

**100. Pilipai 2:3-4** – Sarimi yune sariminyine'na simunya yawi'divi' aane pimili' kimili' mipinera! Sarinnya yaya munyaba makilya'na aane pibwi kibwi mipinera! Aawa. A'mwe pwaraavi dalaangewi mwaaidivi' “Sahwara neminyi nevilapika!” jawirila! Gazaigizaigi ginnya yunenna mamaremwaaidinnera! Aawa. Gazaigizaigi pwaraavire sa kiningiji dimaremwaala!

**101. Jemizai 4:7-8a** – Sarevidaa'nyi sarimire simunya' walarakya yapiji Gotiyari dalaangewi dimwaalyila! Sarimi Saataani Kayaa'nanyari dirivipalasi'nyila! Sara kyapiji yihyagalyamavoji likaanya wawadelyira. Sarimi Gotiyaryaba aya kiba nayaa dulaawila! Nabaai sahwai sariminyaba aya kiba bathelyira.

**102. 1 Pitai 4:13** – Aawa. Daanga dazaina “Kiraazitiyari daanga wivinakabaaib' nevimanike'nanyi,” dapiji yilaaya jila! “Divi gaminne byaanna diraginya' ku'maayaba yima'naabathevi yi yilaaya naanga kuna yadaa munyi' nayaa gaimakunna yaana!” dapiji daangenna yilaaya jila!

**103. Matiyui 5:39** – Sare' kiri' nimi dara githivanige. A'mwei kayaa'na kagyozi tivikita minna! Aawa. A'mwe pwai maangwidaanyaba kagiramoji minya maaa'dinna! Aawa. Nayaa ja! Maangwidaanya pimagi tanya'na duzaade'na yawirannelyi.

**104. Matiyui 5:11-12** – Yilaaya yadivi' tewaanaanga yinikeihi, nabaai giminyi pwara tinna gwangadivi' niminyi nyimididinya'na birala githadivi' gihamijamaryadivi' yagaala kayaa'nanya dala pininna pininnanya kwaasi githipi'deigi. Sare'na Sigunyavi yanga naange' girivikisa' giminyina gyemwaalike'na yilaaya ja! Sare'na gimini munyi' nayaa gaimakunna maremwaala'gizi yilaaya naanga ja! Sare' dare'nesi. Sinnawi Gotiyari wi'nawijiwaakadivisara ga'mijamakwawevera Sigunyavi yange' tivikita nawi'nya' maryaatabaai gimini tivikita naange' dimaa'deiginyira. Sare'na yilaaya naanga ja!

**105. Epazaazi 6:1** – Kaimiraaya kwaigi, Naangeri wilamwaaihinya'na gimaamaangelyi gwaangesi sayori dimidina! Sare' dare'nesi. Sabwi yija' yida'nanyasi.

**106. Epazaazi 6:4** – Kuvinimaangeigi, gimire kaimiraayaraavi yaasiwa'na karama'gizi yaasiwa'na sinna tika nudavadika! Aawa, kayaa'na kyapiji Naangerebwi nayaa yawira'gizi nayaanna dirama! Nayaanna duthana! Naangerebwina duziwaakya!

**107. Epaaazi 5:22** – Balaange'gi, nemi Naangeri midinna yivanigovaaibi' ginnya kwalaangeri kwaakewi dula'naka!

**108. Epazaazi 5:25** – Kwalaangeigi, Kiraazitiyare kusilaanyainaavineba kale wiada gannya tawe' nemubya'nei wijaaya'nei balakabaabi' ginnya balaangevina kale gyana!

**109. Matiyui 5:28** – Sahiri'na dara githivanige. A'mwe gazaizai tinna bangana'na yaja' "A'mwevi ata limwamwijaini!" yawi'da gannya simunyavi mena ata limwamwakelyira.

**110. 1 Pitai 5:5-6** – Sabaabi' a'mwe miginya kwaihi a'mwe naangeraavi nayaa dimidinyila! Sara yadivi' sarimi yuyaihi nayaa kwaamu' mwaalyabwi maa'divi' sirya'mweraavi nayaa duthaayila! Dara dinike'nanyi

“Gotiyai pihadika yipijaraavi tihiradelyi.

Kiri' kwaamusaraavi yangebwi wijaavadelyi.”

Sara dinike'nanyi. Sarevidaa'nyi yune gannyagaa' Gotiyai “Kumire yaya' munyaba makilima!” kadozi gamire ata diraginaangiri kwaamu' dimwaalyila!

**111. Wijalangasakya' 22:15** – Gotiyare anga naangeba mwasilaa jilikeraji a'mwe giri'nya yadivisaraji a'mweraavi tamakadivisaraji a'mwe silaangeraaviji yisaraaviji kwaasigotiyaraaviji widadivisaraji gazarazara kwaasiyabwina wivu'nadera kwaasi yadivisaraji a'mwe dazara mwalibainyina yipi'dere mwasilaa. Anga nawi'nya savi wilaabipi'dera mi'.

**112. Galeziya 6:1** – Nya'mweihi, sarimi dara yenni'pija' “O, nemijiyari yiwetawakya' jima'niwaka!” Gotiyare Kuryari mididivisaihi sari nayaa yavada'gaina jila! Birala, maanga nudipidika! Aawa. Kave bwiwanna widina jila! Ginnya mwaalyabwi nayaa jawika! “Nimi kave mwaala'muji Saataani avaalyabwi yide'na nanyimwaahadika!” da'gizi Kuryari diraginyavi dimwaala!

**113. 1 Joni 2:1** – Nimore kaimiraaya maalikei, yagaala daza' pikarya yihyithawasivanaabihe. Sarimi kayaa'nanya myipine'na “Wijiwaakima!” den'a yihyithawasivanaabihe. Sare kiri' a'mwe pwai kwai kayaa'nanya' yaja' neminyine kayaa'nanyanna Nimwari marewidadei mwaali'. Sahwai Jizaazai Kiraazitiyai yida'maraangelyi.

**114. 1 Joni 1:9** – Nemire kayaa'nanyanna jalikurakinaaja' Gotiyai “Kumire kayaa'nanya marasi'nima! Kumire girikita'nanya yuya, yi yida'maraangebwi maaya yuyaburi duimwagasi'nima!” dozi “Kayaa'nanya marasi'nideinyi,” dinike'na nayaa limwannikei, yida'maraangei mwaalikei sara yadelyi.

**115. 2 Koridi 2:14** – Kiri' saba Taaitazari sariminyine kadika wi'niwa'de'na Gotiyari nimi su suya widivanige. Kiraazitiyai yuya kayaa'nanyangiji yuya kayaa'nanyaraaviji malyavi mena dathiwagakevidaa'nyi yuyagaa' Gotiyai Kiraazitiyariji yaaraya neyadaa'nyi yilaaya yiwadaanyaine. Yi sahwai gamire yagaalya' nejiwaakada yi yuya pimagi wijiwakamaryadaawoji a'mweraavina Kiraazitiyari wibwaridaakwadelyi. Yawita daza' sa' wabatirinya' yuneba winigode'bisasi.

**116. Kolozi 3:16a** – Kiraazitiyare yagaalya' sariminyi nayaa nebwinu yune wilayihwarana!

**117. Kolozi 4:2** – Sarimi Gotiyari wijavuri nayaa diragina dilimwagaryila! Naangeri yidaanganyavi nayaa pada'galayawi'divi' Gotiyari “Su! Su!” duzila!

**118. Epazaazi 5:18b** – Aawa. Kuryai gimire simunyavi yuneba wilagimwaalana! (Sai simunya' nayaa yuna gimaremwaalana!)

**119. Epazaazi 5:20** – Yuyagaa' yuyanna Gotiyari Nenimaangeri “Su! Su!” duthana! Nemire Naanga Jizaazai Kiraazitiyarina yawira'gizi sara duthana!

**120. Pilipai 1:6** – Nimi mena dara yawi'manige. Gotiyai sariminyi wawinya nawi'nya' mena yihyivani'. Sai wawinya' kuna kuna yiwawoji wawinya sa' yi'mwanyina yade Yirika yune Kiraazitiya Jizaazaregaa'na.

**121. Ezikiyeli 18:23** – Naangei yuna maremwaaidei dara divani' “Yuna kayaa'nanyara baibi'de'na nimi yilaaya yadinyaini daa! Aawa. Sahwara kumireburaavi pina yadi'mwanyina yadivi' tewaanya mwaabi'de'na yilaaya yadinyainyi.

**122. Romi 2:4** – Gotiyai yange'na tewanna bwiwanna gyada saaminyagaa' gyemwalyi'maa'da tivikisa'na yime'nya'bi' gizaavadei mi'. Sasare gyade'na “Yaasiwakengira,” jawi'manigi! Gotiyai “Simunya mudikebwi jawiramaaraka!” yawi'manike' myawirijivanigi! Yi sarevidaasi tewaanya nyawi'nyabwi gyivanike'nanyi.

**123. Yiviru 2:3** – dahaa' nevadaihasamaata naanga nebulya'nanyavine' navika mwalaaja' yi nemi likaanya wawaaji kayaa'nanaangevi gatha'dara wawilavaadevaka! Yuna wana aawa nebulya'na. Sinnawinyaraavine tivikita sa' maalikesi. Dahaa' neminyine' tivikita naangesi. Yi

mamaayara nedetara mi'. Sinnawi Naangei gami yagaala daza' mena dakesi. Nabaai a'mwera gaminyi wi'neva sahwaru neminyi dara nejiwaake' "Yagaala daza' yuna wana naanga nebulya'nanyasi."

**124. Romi 5:20** – A'mwera kumire kayaa'nanyanna "Yiwetata naangaanga nanna yadaanyaine. We!" dinya'ne'na Gotiyai Kiwinyabwi dakina. Sara dakina kyaa' kayaa'nanya naangaanga yima'nakevi yi Gotiyare yanga gaimwanga tewaanyabwi sasarengi naanna wawilavikebulyi.

**125. Apozeliyara 16:31** – Sara yidaanganna kya' saraai widahi "Naanga Jizaazari kalimwaga'gizi tewaanya dimwaaideiginyi. Nabaai, Naangei gimire angeviyaraaviji wivadaihamaaradeihilyi."

**126. Jemizai 2:26** – Yuya sare' darevinyi. Kilaakeji' kuryalyi maayaji' saji' mena bainikabaabi' a'mwei yaasiwa'na diragina limwagazai kiri' nawi'nya kibulyi myadei, a'mwe dazare diragina limwangebwi mena bainikebulyi.

**127. Luki 14:33** - Sasare sahibaaibi' sarimijiya gazaizai gannya gilyivita yuya sangina bule'na mujaayi yajai, yi sahwai nimire nyimididei myima'nyi yannelyira.

**128. Matiyui 7:21** – Gazaizai niminyi 'Naangeigi! Naangeigi! Nyidadei Sigunyaviya maremwaadeva wlamwaaladei mi'. Aawa. A'mwei Nimaamaanga Sigunyavi mwaalikere simunyaburi midinajai yune sahwaina wlamwaaladelyi.

**129. Joni 8:36** – Sarevidaa'nyi Gotiyari Gawaali' sarinnya yaasiwa'wawinya kyihyipalasi'noji diraginyaihi nebwina dimwaalyideihilyi.

**130. 1 Pitai 2:24** – Gami sai gannya kilaakejiki nemire kayaa'nanya maaraka yisavi timunadaavakelyi. Neminyina "Sahwara kayaa'nanyanna balapiji yida'maraangebwiina gaala mwaabika!" daka balakelyi. Gamire kilaakejiki ga'bwaralyaji kayaaka kyigale' daanga maarakelyi. Sasara gaminyi yima'nake'na ayina tewaanya yavada'gala gyakelyi.

**131. Romi 4:5** – Yi nabaai a'mwei Gotiyai yilaaya wia'nei yida'maraangei yima'nya'nei kiwinyaburina wawinya myi yajai sai, gami Gotiyari yawiralimwanna "Gotiyarina yuna navikerina Gotiyai 'Yida'maraangeiginyi gimwaaihima!' dannelyi." Sahwai sara yawiralimwagaza'na Gotiyai yawi'delyi "Yawiralimwake'na sahwai yida'maraangeri wimwaaihwana!" (Sare' sihumalesira.)

**132. 1 Joni 5:11-12** – Jalikurakya daresi. Gotiyai yuyagaa' yuyagaa'ne gaalya'nebwi nejaavakesi. Gaalya'ne saburi kaavilya' Gawaalivaangeri wilawiwarika. Sarevidaa'nyi

Gawaalivaangei kininnakei gaalya'ne sabwi kininnakelyi. Gotiyare Gawaalivaangei maayai gaalya'ne sabwi maayalyi.

**133. 1 Joni 5:13** – Yagaala daza yihyithawasiwaabe. Gotiyare Gawaalivaangeri limwadivisaihi “Yuyagaa' yuyagaa'ne gaalya'ne sabwi kininnakeine,' dipika!” dena yihyithawasiwaabe.

**134. Galeziya 4:6** – Yi sarimi gawaalivaangeihi mwaaihasa'na Gotiyai Gawaalivaangere Kuryai Tewaanyari nemire simunyangi widasaaba'. Kurya sai wilanemwaalaka nejiwiriyadaa'nyi Gotiyari diraginna widivanigo. “Tataai! Nimwai!”

**135. Yiviru 4:15** – Sare' darevinyi. Nemi saina wagilyavi walamarakya'neina diraginya maayaine. Nemire wirisangina Gotiyarina Yira'de Naangei yawi'daa'nyi neminyina kale mwi yannei mi'. Aawa. Yuya yijiwaala sa neminyi neyima'nadevaabi' yuya daza gami kwari yijiwaala ya'ne mena yima'nakengi. Sare kiri' sahwai wagilya myakelyi. Sarei neminyina yibwakidevina neyivaimwagannelyi.

**136. Yiviru 4:16** – Sarevidaa'nyi nemi lika myadaa Gotiyaryawi gamire kinginamwaalyisavi gaimakunna wilaana! Sahwai yi yanga gaimwangebwi kininnakelyi. Nemi gamire kale gaimwangebwi maarya'neina nabaai taanginya neyima'nadaaworiyagaa' gamire yanga gaimwangebwi neminyi neya'neina sahwaryawi wawaana!

**137. Epazaazi 6:10** – Yagaala pini yihithima! Naangeri kuna diraginna wilamwaida'gizi gannya diraginya' gizaavada diraginnakeigi gimwaaihana!

**138. Epazaazi 6:11** – Kotiya Maryadei yawi'na “Sai kayaa'nanya kuna yana!” yawi'na yoji kwaasiya gyathehaa' diraginyaigi dimwaaide'na mwasaabya saza Gotiyai gizaavade yuyajiyaiigi diraginna ja!

**139. Matiyui 26:41** – Sarimi yemwaala yapiji Gotiyari duzila! ‘Kayaa'na jila!’ Saataani yihithaabya'nei nyihiviramaaradika! Sare'na Gotiyari duzila! Nebulyasi. Sarimire simunya' tewaanya yadaawori kiri' kilaakeji' diraginya maayajikira.”

**140. Yiledaata 119:9,11** – Miginyai gannyabwi giri'maayabwi warannei gara yadelaka? Gimire yagaalya'a mwaalade'nanyi. Nimire simunyavi gimire yagaalya' lika yulyakiwana-yunebanna! Sareinyi giminyi kayaa'nanyabwi magyiwineinyira.

**141. Romi 6:6** – Sare' nemi dara yawi'manigo. Gotiyai neminyina “Kumire kilaakejiki kayaa'nanyabure diraginya' kayaaka yiwawana!” kada' nemire simunya aya yawaka sa' yisaviri Jizaazari tamesalyi ye'mwannabalakesi. Sarevi yi nemi kayaa'nanyabure

widayadaanyaina ayahi mamwalaanne'nanyi. Kayaa'nanyaburine diraginya' ayahi manemaremwaalanne'nanyi.

**142. 2 Koridi 5:14** – Sare' darevinyi. Kale Kiraazitiyare yunesa'na wawinyavi neyidikaabwa'desi. Yi nemi mena dara yawibwa'manigo. Pwai kuminyineba yunebanna wivadaihasamaarya'nei mena balina yakevidaa'nyi yi dazavi kumi yuyara mena bainikerabisare.

**143. Galeziya 2:20** – Kiraazitiyari wilamwaaiheinyina Kiraazitiyai yisavi balakegaa' nemi bainikeinyi. Sare' nemi sainyi namwaalyige. Kiraazitiyai sahwai wilanyimwaalikeinyi. Dahaa' kilaa'nakeinyi mwaaiheinyi. Gotiyare Gawaaliki limwadi mwaaiheinyi. Sai niminyina tewaanya wivu'nakelyi. Gami sai niminyineba marimwanginaka yarai balakelyi.

**144. Yiviru 12:2a** – Sara yadaa nemire tinnyai nayaa banganaraa Jizaazari! Sai nemire diraginna limwangevi aaya kaavilyai yi divi nabaai sai limwanga savi yunebanna nebulya'na yadelyi.

**145. Joni 12:24** – Nebulya'na yihithivanige. Witizila pwai kwaakevi walaawina yori mabalyi jajai gavei kuna waradelyi. Sai kwalaalyara myima'nyi yadelyi. Kwaakevi witizilyai balajai kayaaka jajai yi yirivadehaa' witizila naanga naangera maarina yadelyi.

**146. Romi 12:14** – Giminyi a'mwera kayaa'na kagyapiji Gotiyai sahwaraavi tewaanna wyade'na sahwari nayaa duthana! Sahwaraavi kayaaka yigalya'nenna mudinna! Aawa. Sahwaraavi nawi'nya wyade'na Gotiyari nayaa duthana!

**147. 2 Timoti 2:12** – Taanginya yuya sabwi maarya'na  
Nemi diraginna mwaaihoina mwalaaja'  
Nabaai sahwalyi kingiya ye'mwannemwalaadeinera.  
Kiri' 'Gamireina mi,' daatheina mwalaaja'  
Nabaai neminyina 'Nimirera mi,' dathelyira.

**148. 1 Pitai 4:19** – Sarevidaa'nyi Gotiyai simunya yawiranne daange maa'manigatabaabi' Kiraazitiyarera nayaa yida'na yadivi' kunnya kuryaraavi Gotiyari wijaavinipika! Sahwai newakyaakelyi. Yuyagaa' gannya yagaala widadengina sara yadelyi.

**149. Jemizai 5:16** – Sarevidaa'nyi sarimi sirya'mweraavi sarinnya kayaa'nanyanna dizalikurakyila! Sara yadivi' sirya'mweraavi nayaa yavada'galade'na Gotiyari nayaa jithaanganyila! A'mwe yida'maraangeraavire Naangeri yidaanganyabwi sa' diraginya yima'naabathesi. Yi sa' a'mweri yiniga wi'na gaimwagathesi.

**150. 2 Koridi 5:1** – Sare' darevinyi. Nemi Apozeliyaina mena dara yawi'manigo. Kwaaka davakiya kilaakeji' siminaangebita savi wilamwaaicho. Nabaai sa' wo'dalasi'na yinaja' yi nemi ange' piri' kininnakeine. Yi sa' Gotiyai nejaavadesi. Anga daza' a'mwera asaji mannika'na mi'. Sa' Sigunyavi warike'na yada yuyagaa' yuyagaa' waragwothe'na.

**151. 2 Koridi 5:2** – Sare' darevinyi. Dahaa' nemi anga davi simuyiwaala yawi'mwaainivanigo. Nemi tewaanya diraginna dara nevu'nivanike'nanyi. Nemire anga daza' Sigunyavi warika daza'na sara wa'da nemire kilaakejiki baazi'ma'nya'bi' bwakalimwagata neya'ne'na simuyiwaala yawi'mwaainivanigo.

**152. Yiviru 13:20a,21** –Gotiyai kwaamu'nanyaburi aaya kaavilyalyi...Sahwai gamire simunya saburi yiniga wi'na dimidinyide'na yuya nawi'nya tewaanya gazabwizabwi yihizaavana! Jizaazai Kiraazitiyai negaimwagathevi Gotiyai gami sari wigaimanikebwi nemi yuyainaavire simunyavi marima'naabathelyi. Jizaazai Kiraazitiyai yuyagaa' yuyagaa'ne byaanna diraginya' kininnakei mwaalana! Sahwarine yaya' munyaba makilaana! Sahirisira!

**153. Epazaazi 3:17-18** – Kiraazitiyari nayaa limwadivisavina sarimire simunyangi Kiraazitiyai kuna wilayihimwaalana! Yisare pwipula kwaakevi diraginna waayikabaabi', nabaai, ange' diraginna widaakunikabaabi' kale nayaa yihyada diraginna jawiramwaalyila! Sara yapiji Gotiyare tewaanya yuyaraji Gotiyare diraginya' maa'divi' dara jawiramaaryila! “Ai, neminyina Kiraazitiyari tewaanya wivu'nade naange' daaka!” Yuya bwakulaawika bwakulaawika aangani wawilavikesira. Naangaangesi kale sa'. Sare'na sariminyina “Gotiyai gannya diraginya' wijaavana!” dena sahwari widivanige.

**154.1 Pitai 1:5** – Sarena sariminyinengi. Gotiyare diraginyavi sariminyina dame daavikeihilyi. Sahwarina diraginna limwabiza'na dame daavikelyi. Yinahu padaihasamaarya'nevi dimwaalyide'na dame daavikelyi. Padaihasamaata sa' yemwaala yihyivanike' Yirika aayagaa' ku'maayaba yima'naabathesi. Sareburana yilaaya nayaa maryaana!

**155. 1 Tezalonaika 5:23** – Gotiyai gami sai kwaamu'nanyabwi kininnakei gamireihi tewaanyaihiri yuneba yihimwaaihana! Sarimire kuryaraavi sarimire simunyangi sarimire kilaakejikaavi nayaa maremwaaalana! Yuyagaa' sara maremwaaida nemire Naangei Jizaazai Kiraazitiyai walaabathehaa' dara wanganade “Ya, nawi'nyarera. Yiwetawakya maayarera.”

**156. 1 Pitai 1:13** – Gotiyai yuya sa yakeburidaa'nyi sarinnya simunyabwi nayaa yavada'gainapiji nayaa dadi'vi' nayaa jemwaalyila! Jizaazai Kiraazitiyai ku'maayaba yima'naabathevi sahwai yanga wigaimwangebwi naanga daza' yihizavaabathesi. Sarevi sarinnya simunya yunebanna yawi'divi' yuna yemwaalyila!

**157. Juthiyai 24** – Gotiyai sai sariminyi yiniga wi'na yihimaremwaaidori yi yihimaredaa'dori sarimi mwalaraawi jideihilyi. Sai sariminyi yiniga wi'na yihimakwawoji gannyaba nawi'nya byaannakeryawi yihimwaaihadeihilyi. Nabaai sarimi yiwetawakya pini mwaryi yihyana! Sarevidaa'nyi nabaai yilaaya naangebwi yihwaradeihilyi.

**158. Joni 20:29** – Jizaazai widina “Tinna nyanganagina danyilimwamwaa! Pwara tinna manyanganyevera kibanna nyilimwamwaava. Sarera yilaaya naanga yadivi' tewaanaanga winikeraavi Gotiyai wimwaaihaderera.”

**159. 1 Joni 4:10** – Kale naanga wia'nebwi da'darebwinanyi. Neminyi Gotiyarina tewaanya nevu'nadevwi mi'. Aawa. Sahwai neminyina kale naanga kwia' nemire kayaa'nanyanna gannya sinna tika widayabwi marasi'nya'na Gawaalivaangei balakeri maryasaabakebulyi.

**160. Yiledaata 119:105** – Gimire yagaalya' nimire sivilyiraarine di'baakesira. Nabaai nimire tukaanyavine baakesira.

**161. Yiviru 9:27-28a** - Yi a'mweraavina gave pigaa'na balya'nebwi wari'. Nabaai kabalapiji dividaa'nyi Gotiyai sahwaravii maryawibwaradevaabi' Kiraazitiyai yune gave pigaa'na a'mwe kwalaalyaraavire kayaa'nanyanna makwiya'nei gami sari yira'divisa'bisari Gotiyarina wijaavinakelyi.

**162. Romi 6:23** – Sare' dare'nesi. Kayaa'nanya' gannya yaasiwa'wawinyaraavi kumire wawinya'ne tivikita wijaavadesi. Tivikita sa' yune naanga balya sahiri'na. Nabaai Gotiyare gaimwanga tewaanya' yange' wijaavina neyadelyi. Sa' gaala yuyagaa' yuyagaa' mwaalya'ne'na. Kiraazitiyai Jizaazai nemire Naangeri wilamwaalajavi gaala daza' nejaavade'nanyi.

**163. Romi 3:20** – Sare'na darevinyi. Gotiyare yawibwata'nebwinna Kiwinya saburi midinyavina “A'mwe yida'maraangeiginyi. Nimireiginyi,” Gotiyai kilaa'naka aane pwari kwari widathe' mi'. Aawa. Sare' dare'nanyi. Kiwinya sabwi nemire wagila saburi yune'na neyibwaridaakuvanikesi sahiri'na.

**164. Romi 10:13** – Sare' dare'nesi. Gotiyare bukwiya' dara dinikesi. Gazaizai Naangeri jaka widazai yi sahwari wivadaihasamaaradelyi.

**165. Wijalangasakya' 3:20** – Yithaa! Nimi kaadihisavi daake. Yi nimi mala tamida'nivanaabihe. Nabaai a'mwe pwai nimire maangiki nyu'noji yi kaanya sa' nyibasamaraabazai yi nabaai gaminyi kusawi wila'muji salyi wilye'mwannamwaalidelyi. Salyi tika ye'mwannanidelyi. Yi sai nimiji tika ye'mwannanadelyi.

**166. Romi 12:2** – Yi dahaasara sara ya'ne kumirebwi sarimire simunyavi nayihwilakipidika! Aawa.Gotiyai sarimire simunyangi mudike yihwilakajavi yi sarimire kibwi mudikebwi yihyima'nade'nanyi. Yi sarevi Gotiyai simunya' yawi'devwi yiniga nebulya'na yawiramaapineihilyi. Yi Gotiyarine tewaanya nawi'nyabulyi Gotiyari yilaaya wigalya'ne sabulyi Gotiyai nemi ya'ne yawi'de tewaanya naanga yune nebulya'nanyabulyi jawiranganyideihilyi.

**167. Yiviru 11:6** – A'mwei Gotiyari malimwagya sai Gotiyari yilaaya wigalannei mi'. Sare' darevinyi. A'mwepwai Gotiyari yilaaya ya'nei sahwayaba gaimakuwilya'nei yi sawwai dara yawirana! Yi Gotiyai mwaali'. Sawwai a'mwera sahwarina bi'divisaraavi tivikita nawi'nya' wijaavadelyi. Sara yawirana!

**168. 2 Koridi 5:21** – Sare' darevinyi. Kiraazitiyai kayaa'nanyabwi maayai kiri' Gotiyai yuya kayaa'nanya nemire sa mari'bwarka yune sarine munyaba yilakaka yi sawwai kayaa' a'mwe nebulya'nanyari wimwaaihakelyi. Neminyina Gotiyai “Kiraazitiyari wlamwaalya'nera nimire yida'maraangebwi kininnakera yima'nipika!” daka neminyineba sara wimwaaihakelyi.

**169. 1 Pitai 3:18** – Kiraazitiyai tewaanna yada taanga wina yesa'na sarimi avaaia yipineihilyi. Yi yune gave pigaa'na sarimire kayaa'nanyanna Kiraazitiyai balake'nanyi. Sawwai a'mwe yida'maraangei sarimi a'mwe kayaa'nanyaihirineba bala'. “Gotiyaryawi sawwaraavi makuma!” daka balakelyi. Piri' daresi. Sawwai kilaakevi a'mwei mwaaidi'nyi tamarimwesalyi. Piri' daresi. Kuryari ayina yidikaavaka gaalyai mwaalikelyi.

**170. 1 Pitai 1:3-4** – Nemire Naanga Jizaazai Kiraazitiyare Gotiyai Ganimaangeri yilaaya nayaa maryaana! Neminyi kale naange'na negaimwagake'na Kiraazitiyarina Gotiyaridaa'nyainaavi gaala mena nemwaaihakelyi. Sawwai Jizaazai Kiraazitiyari bainikeraayawi ayina yidikaavakevi mudikeinaavi gaala mena nemwaaihakelyi. Nabaai sawwarinevi gaalyabwineina yima'nona “Yuyagaa' yuyagaa' mwalaade'nanyi,” diraginna jemwaalya'neinaavi mena nemwaaihakelyi. Gamire kaimiraayainaavi mena nemwaaihake'na Nenimaangere yuya maraadenna diraginna yemwaaimanigo. Sarena yuna kayaaka yinadenna mi'. Bwia buradenna mi'. Sarena girikita'nanya yima'nadenna mi'. Waryaanya yima'nadenna mi'. Sarena gwarakuradenna mi'. Yarei yiwodenna mi'. Sariminyine yemwaalya Sigunyavi Gotiyai dame daavikengira.

**171. 1 Koridi 1:30** – Kiraazitiyai Jizaazari wlamwaaihya'neihiri Gotiyai yihimwaaihakelyi. Gotiyari neminyine'na Kiraazitiyai Gotiyare simunyavi aaya kaavilyai yima'nakelyi. Yi sawwai neminyina Gotiyai dadelyi “Yidamaraangeihi nimireihilyi.” Yi

sahwari nemi a'mwe tewaanyaina Gotiyareina yima'nya'neinaavi nemwaaihakelyi. Yi sahwarì nemire kayaa'nanyangina ayahi nemubamaarakelyi.

**172. Kolozi 2:6** – Sarevidaa'nyi Kiraazitiyai Jizaazai Naangeri maaretabaai sahwarì nayaa kuna jamaryila!

**173. Joni 14:21** – Da pwai nimore yagaikiwinya kininnakei sa midida sahwarì niminyina tewaanya wivu'nadelyi. Nabaai niminyina tewaanya wivu'nade sahwarina Nimaamaangeri tewaanya wivu'nadelyi. Nimi sainyi sahwarina tewaanya nyivu'noji sahwarina nimi sainyi wijiwaainidelyira.

**174. 1 Joni 3:23** – Gamire kiwinya dinike' darsi. “Nyibwaalivaangei Jizaazai Kiraazitiyari limwabizaihilyi. Kiraazitiyai sara yihithakabaabi! ‘Sariminyi pwara pwaraavina kale yihyana!’ sara jila!”

**175. Joni 15:11** – Sa yihithiwa. ‘Nimire wivu'nyabwi sariminyi yihwarana! Sarimire yilaayabwi yuneba yihyeku'nana!’ dena sa yihithiwa.

**176. Joni 16:13** – Sa'na kiri' divi Kurya Tewaanya nebulya' dadei sahwarì walaabozi nebulya yuyangi nayaa yihyibwaridaakwade. Sare' dare'nesi. Kuryai yawiroji gannya sidusa' muji yihyade. Aawa. Nimi Nimaamaangelyi widakaja' yihithathe. Divi yima'nya'ne yihithathelyira.

**177. Galeziya 5:22-23a** – A'mweraavire simunyabwina kayaa'na yadivita kiri' Gotiyare Kuryai nemire simunyangi maremwaaida yisila nawi'nyabisanna tewaanyainaavi nemwaaihivankelyi. Sare' dara dadaanyasira. Pwaraavina kale neyada, simunyangi yilaaya yadaa, kwaamu'nanyabwi yadaa, pwara kayaa'na neyadaapiji sinna tika yarai madayi neyade'na diraginyaina mwaidaa, bwiwana yabwi yadaa, pwaraavi tewaanna wiadaa, sara widadaanya yuyagaa' sara yadaa, kave yigoina nennya yaya mamakinyadaa, simunya kayaa'nanyavi “Aala,” divanigoina diragina maremwainadaa Kuryai nemwaaihadeliyi.

**178. Joni 14:27** – Dahaa' kaanyagaa' yihithima! ‘Tewaanna dimwaalyila!’ Sareburidaa'nyi kwaamu'nanyabwi sariminyaba yagalya'mavidesi. Yi ninnya kwaamu'nanyabwi yihizaavide'nanyi. Kwaakevaki mwaalyara yaasiwa'na dina ‘Tewaanna dimwaalyila!’ yaasiwa'na dadivitabaai ninnya kwaamu'nanyabwi mwijaayi yihyide'nanyi. Nayaa yihizaavide'na sarimire simunya' simuyiwaala myawipina! Simunya gami sa' lika myanna!

**179. Joni 16:33** – Nimi dina ‘Nimirera niminyi kwaamu'nanyabwi kininnakera mwaaibika!’ dena yuya sa yihithiwa. Kwaakevaki daanga naanga kininnakeihilyi. Sare' kiri' kwaakevakiya kayaa'nanya dathiwamwenna jivaimwanyila!”

**180. Matiyui 20:26-27** – Kiri' sasare dazabwi sariminyi myihwarannera! Aawa. Pwai kwai sarimijiyai 'Naanga mwaalima! A'mwe naangeinyi yima'nima!' wivu'najai sarimire yihithaayadei mwaalana! Nabaai pwai kwai sarimijiyai 'Aaya sinnawinyainyi mwaalima!' wivu'najai yaasiwa'wawinya yadeibi'nanyai mwaalana!

**181. Taaitazai 3:8** – Yagaala daza'limwagasa'ne' naanga nebulyasi. Nimire simunyavi giminyina dara yawi'manige. Dazahiningina gimi diraginna duthana! Sarevi nabaai Gotiyari mena wi'nalimwagesaraavina “Kumire simunyangi wawinya tewaanya diraginna ya'nengi wakipika! Tewaanya saburina diraginna daapika!” da'gizi sara duthana! Dazahini nawinya yaka a'mweraavi gaimwadengi.

**182. 1 Timoti 6:12** – Naangeri limwangebwine mala tewaanya' diraginna tamarivaatawakina ja! Yuyagaa' yuyagaa'ne gaalyabwi maarya'neiginyi Gotiyai jaka gizivwaramaarakebulyi. Sinnawi a'mwe kwalaalya yawiranganyaraayaba “Naangeri limwamweinyi. Gamire yuyagaa' yuyagaa'ne gaalyabwi maa'mweinyi,” nayaa jalikurakaginyabulyi. Sarevidaa'nyi sasarebwi kuna nayaa dilimwagaka!

**183. 2 Timoti 2:3-4** – Kiraazitiyai Jizaazare aawilata tewaanyaigi kwaamu' mwaala'gizi taanginya nemi aawilata pwainaavi ma'daanyabaaibi' wawinya yija dazavina taanginya dinye'mwannamaaka! Sare' daresi. Aawilata aane pwai kwai wawinya dala nabinabinya piniji limwagathe mi'. Sai “Aawilasaraavi maremwalyari niminyi nyidahilakakeri nimire wawinya yiwijanna tewaanya wigalima!” dozi yune aawilasaraavire tewaanya sabwina limwagaradelyi.

**184. Epazaazi 6:16** – Nabaai, Naangeri limwadaanyabwi yuna saabya diraginya' dimaryivila! Yikamaangei mwasaagala dika nadaawojiya padaawoji gimire saabya' gimarulyakedaavadesi.

**185. Pilipai 4:13** – Kiraazitiyai niminyi diraginya nyivaimwadere diraginyavi yuya kini sa yiniga wi'na yiwineinyi.

**186. Apozeliyara 1:8** – Saha kiri' Kuryai Tewaanyai sariminyi bayihimwaaidozi diraginya naange' kyihizaavoji Anga Jeruzaalemi dava Kwaaka Juthiya yuyaba Kwaaka Sameriya yuyaba Kwaakevaki tiyawu' anga yuya dawu' niminyina pwaraavi duzalikurakyideihilyira.

**187. Joni 20:21** – Sarevidaa'nyi Jizaazai ayawi widina “Nya'mweihi, kwaamu'nanya' yihwarana! Nimwai nyidasaabakabaaibi' sara yihithaasideinyira.”

**188. Luki 8:39** – “Ginnya angebanna ayina kaanna diwodeiginyira. Sara wawo'gizi Gotiyai giminyi gyiwaka yuya sanna duziwaakideiginyira.” Sara widina kya' sarevidaa'nyi a'mwe dazai kaanna wina yaka gamire anga naangebanya yuyaraavi yagaalya' wijiwaakina. Jizaazai gaminyi wivada'galaka yuya sanna wijiwaakina.

**189. Yiviru 7:25** – Sarevidaa'nyi yi sahwai a'mwera gaminyine'na Gotiyaryaba gidiku' badivisaraavi yiniga wi'na padaihasamaarannelyi. Yi yuyagaa' yuyagaa' gaalyabulyiyai mwaaida sahwaraavina Gotiyari marewidadevi sahwaraavi yune'na padaihasamaa'delyi.

**190. Pilipaai 4:19** – Nimire Gotiyai gilyivita yuya tewaanyanna tewaanyannanyangi aaya kaavilyalyi. Sarei gilyivita sarimire kilaakejikinengina yihigainivanikenna yanga yuya yunebanna yihyadelyi. Sare'na a'mwera “Gotiyai byaannakei,” dadivi' gaminyine yaya' makibi'delyi. Yi Kiraazitiyai Jizaazari wilamwaaihasavi sara yadelyi.

**191. Yiledaata 122:1** – “Naangere angevina wawaana!” nyidiwaata saraji yilaaya yiwa.

**192. Joni 15:7** – Niminyi kuna wilanyimwaaibizaihi nabaai sariminyi nimire yagaalya yihwarajaihi yawi'na ‘Sa'na maarima!’ yawi'na yapiji Gotiyari sara kyidaanganapiji sariminyina yima'nadesira.

**193. Joni 16:24** – Kigaa' niminyine yayavi myidaanganyi ye'. Dahaa'daasi sara yidaanganapiji sa' daapina jideihilyi. “Nimire yilaaya' naanga yinahu neyeku'nana!” dapiji dithaapyideihilyi.

**194. Matiyui 4:4** – Sara kuda' ma'maa'na ya' “Dara dini' 'Biretiya gave naja' kuryari diraginya wijaaya'ne'na mi'. Aawa. Yagaala dazasa' Gotiyare maangevi widake' kuryari diraginya wijaaya'nesi.’”

**195. Apozeliyara 17:11** – Anga Beriya mwaalyara sidu'nakera pwaraavire yagaalya' kadika wi'nadivisarera. Anga Tezalonaaike mwaalyarabisara mi'ka. A'mwe sara Naangere yagaalya' kadika nayaa wi'nadivi' “Polimire yagaalya' nebulya'na dingaka?” deva Gotiyare bukwiyaavi tinna wangadivi' nayaa yawiresare.

**196. 1 Pitai 1:6-7** – Yuya sahiningina yilaaya naanga yivanigasaihilyi. Dahaa'ne' maalikegaa'nesi dala pininna pininnanya taanginyanna yijiwaalyanna taanga yihizaavanigata kiri' yilaaya yivanigasaihilyi. Taanga yihizaavanigata sare'na yawita kwalaalya myipinera! Taanga sasare sabwi dara yibwaridaakwivani' “Taanga wiada kiri' Naangeri diraginna kuna limwamanigasare. Sare'na kumire limwangebwi nebulyasi.” Nemi “Goliya tewaanya nevu'nadesi,” yawi'daa kiri' dikevi yaamijiya'na marapiraayadivi' kwaake' nade goliya diraginya' maa'divitabaabi' sarimire limwangebwi'na diraginyabwi yima'nade'na taanga

yihyivanikebuliyi. Goliya kayaaka yiwode kiri' Naangeri limwangebwi goliya sahiri'bita mi'. Aawa. Sa' goliyavi wawilavaka yi tewaanya nawi'nyaangesi. Yuyagaa' waribainagwodesi. Sarimire diraginyabwi yivaimwagathe'na taanga yihyivanike'nanyi. Divi Jizaazai Kiraazitiyai ku'maayaba yima'naabathegaa' Gotiyai "Limwagesaraavi yilaaya naanga wima! Byaannakeraavi wmwaaihima! Sahwaraavire yaya makilima!" kada' taanga yihyivani'.

**197. Jemizai 1:12** – A'mwei yaamiji yijiwaala yuya sangi taanginya maarajai kwai diraginna daa'dei yilaaya yada tewaanaanga yinikelyi. Sare' dare'nanyi. Yijiwaala yuyangi mena wawilavojiyai kuna diraginna limwagarojiyai, sari Gotiyai gaalyabwi wijaavadelyi. A'mwe gavamarasi'nyikaanyavi wawila'divisaraavine tivikisa' wijaavadivitabaabi' Gotiyai mena yawiramaa'dei gaala sa' wijaavadelyi. Yi sinnawi Gotiyai gaala daza' a'mwe yuyara gaminyina wivu'naderaavina wijaaya'na yune naanga nebulya'na dakelyi.

**198. 1 Koridi 15:58** – Ninnya nya'mweihi, sariminyina tewaanya nyivu'nadeihi, sarevi sarimi nayaa diraginna dithaayila! Yi sangina maali'na yibwaaya kiri' nyipidika! Sarimi Naangeri wawinya naange' yidivisa', sa' Naangerina kune' saba sana yiwina yade' mi'. Aawa. Diraginya' waragothesi. Sarimi sara yawi'divi' yuyagaa' Naangere wawinya sa' naanga naanga diraginna nayaa jila!

**199. Joni 14:2-3** – Nimaamaangere angevi ku'dika tewaanya kwalaalya yarinikengi. Sangi sarimi dimwaalyide'na yovigalakaawideinyi. Sabwi mwarya' kwaji savina muji kyihyiwidika! Kaanna wiwija' saba sariminyina yovigalakiwija' ayina ba'mwiji 'Nimi mwaaimujawi sarimi dimwaalyila!' da'mwiji niminyineihiri yihimaarideinyi.

**200. Apozeliyara 1:11** – Mi'na byima'nyina yagila widahi "Kwaaka Galili mwaalyaihi, saba daaveva Sigunyavi tinna be'na baihanaka? Sare'na simunya kwalaalya myawipinera! Sariminyabadaasi Sigunyavinei Jizaazari makimwaawikei sahwai Sigunyavi sara yimwaakabaabi' ayina walaabathelyira," widahi.